



Broj: 28-01-30-73-5/24
Sarajevo, 30.5.2024. godine

Na osnovu člana 6. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe („Službene novine Kantona Sarajevo“, broj 18/20), direktorica Kantonalnog zavoda za pružanje besplatne pravne pomoći donosi

R J E Š E N J E
o isplati visine naknade članovima Komisije za izbor namještenika
u Kantonalnom zavodu za pružanje besplatne pravne pomoći

I

Članovima Komisije za izbor namještenika u Kantonalnom zavodu za pružanje besplatne pravne pomoći, a koju je imenovala direktorica Kantonalnog zavoda za pružanje besplatne pravne pomoći Rješenjem broj 28-01-30-73-1/24 od 06.05.2024. godine, utvrđuje se naknada za rad kako slijedi:

1. Lejla Jusić, predsjednica Komisije, u iznosu od 100,00 KM neto
2. Ermina Bektaš, članica Komisije, u iznosu od 100,00 KM neto
3. Dženan Bilajac, član Komisije, u iznosu od 100,00 KM neto

II

Isplata neto naknade članovima Komisije, kao i uplata propisanih poreza, izvršit će se iz sredstava Budžeta Kantona Sarajevo za 2024. godinu, i to sa ekonomskog koda 613900, razdjel 32 - Kantonalni zavod za pružanje besplatne pravne pomoći, konto 613974 – Izdaci za rad komisija.

III

Rješenje stupa na snagu danom donošenja.

O b r a z l o ž e n j e

Direktorica Kantonalnog zavoda za pružanje besplatne pravne pomoći donijela je Rješenje broj 28-01-30-73-1/24 od 06.05.2024. godine, kojim je imenovala Komisiju za izbor namještenika u Kantonalnom zavodu za pružanje besplatne pravne pomoći Kantona Sarajevo (u daljnjem tekstu: Komisija).

Komisija je u skladu sa Zakonom o namještenicima u organima državne službe u Federaciji Bosne i Hercegovine („Službene novine F BiH“, broj 49/05, 45/10 i 103/21) provela konkursnu proceduru u okviru Javnog konkursa za popunu upražnjenog mjesta namještenika u Kantonalnom zavodu za pružanje besplatne pravne pomoći Kantona Sarajevo za poziciju Viši referent – tehnički sekretar – 1

(jedan izvršilac), i te poslove je obavila poslije redovnog radnog vremena (otvaranje koverata i razmatranje prijava, sačinjavanje lista o ispunjenju uslova oglasa, sačinjavanje zapisnika o provedenoj oglasnoj proceduri i dr.).

Visina naknade za rad članova komisije određena je u skladu sa članom 6. stav (1) Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe.

Sredstva na ime naknada će se isplatiti iz budžetskih sredstava Kantonalnog zavoda za pružanje besplatne pravne pomoći za 2024. godinu.

Shodno navedenom, donesena je odluka kao u dispozitivu Rješenja.

DIREKTORICA

Emina Herdić-Haračić, dipl. pravnica



Dostaviti:

1. Imenovanim 3x
2. Ministarstvo finansija
3. a/a